



四庫全書佛典

3



四庫全書佛典



圖書在版編目 (CIP) 數據

四庫全書佛典 / (南朝) 僧佑等著. -- 北京: 商務
印書館, 2017

ISBN 978-7-100-13957-1

I. ①四… II. ①僧… III. ①佛經 - 匯編 IV.
① B94

中國版本圖書館 CIP 數據核字 (2017) 第 110417 號

責任編輯: 吳曉梅

責任印制: 徐 仲

封面設計: 曲閔民

權利保留, 侵權必究。

四庫全書佛典

[南朝] 僧 佑 等著

商 務 印 書 館 出 版

(北京王府井大街 36 號 郵政編碼 100710)

商 務 印 書 館 發 行

北 京 世 藝 印 刷 有 限 公 司

ISBN 978-7-100-13957-1

2017 年 9 月第 1 版

開本 787×1092 1/16

2017 年 9 月第 1 次印刷

印張 354¼

定價: 2980.00 元

目錄

法苑珠林

卷三十三至七十四

唐・釋道世撰

一

欽定四庫全書

子部

法苑珠林卷三十四

詳校官原任侍講臣王燕緒

臣

紀昀覆勘

總校官候補知府臣葉佩孫

校對官編修臣王受

膳錄監生臣吳炳文

欽定四庫全書卷

法苑珠林卷三十三

說聽篇第十六之餘

漸頓部

如石喻經云昔有一聚落去王城五由旬村中有好美水王勸村人常使日日送其美水村人疲苦悉欲移避

遠此村去時彼村主語諸人言汝等莫去我當為汝白

欽定四庫全書

法苑珠林卷三十三

王改五由旬作三由旬使汝得近往來不疲即往白王

王為改之作三由旬衆人聞已便大歡喜有人語言此

故是本五由旬更無有異雖聞此言信王語故終不肯

捨世間之人亦復如是修行正法度於五道向涅槃城

心生疲倦便欲捨離頓駕生死不能復進如來法王有

大方便於一乘法分別說三小乘之人聞之歡喜以為

易行修善進德求度生死後聞人說無有三乘故是一

乘以信佛語終不肯捨如彼村人亦復如是又華嚴經

唐 釋道世 撰

云佛子譬如日出先照一切大山王次照一切大山次照金剛寶山然後普照一切大地日光不作是念我應先照諸大山王次第乃至普照大地但彼山地有高下故照有先後如來應供等正覺亦復如是成就無量無邊法界智慧日輪常放無量無礙智慧光明光照菩薩等諸大山王次照緣覺次照聲聞次照決定善根衆生隨應受化然後悉照一切衆生乃至邪定為作未來饒益因緣如來智慧日光不作是念我當先照菩薩乃至

欽定四庫全書

法苑珠林
卷三十三

二

邪定但放大智日光普照一切佛子譬如日月出現世間乃至深山幽谷無不普照如來智慧日月亦復如是普照一切無不明了但衆生希望善根不同故如來智光種種差別

法施部

如十住毗婆沙論云若菩薩欲以法施衆生者應如決定王大乘經中稱法師功德及說法義戒律隨順修學謂說法者應行四法何等為四一者廣博多學能持一

切言辭章句二者決定善知世間出世間諸法生滅相三者得禪定慧於諸經法隨順無諍四者不增不損如所說行又正法念經云若有衆生正行善業為邪見人說一偈法令淨信佛命終生應聲天受種種樂從天還退隨業流轉若為財物故與人說法不以悲心利益衆生而取財物或用飲酒或與女人共飲共食如伎兒法自賣求財如是法施其果甚少生於天上作智慧鳥能說偈頌是則名曰下品法施也云何名為中品法施耶

欽定四庫全書

法苑珠林
卷三十三

三

為名聞故為勝他故為勝餘大法師故為人說法或以妬心為人說法如是法施得報亦少生於天中受中果報或生人中是則名曰中品法施也云何名為上品法施耶以清淨心為欲增長衆生智慧而為說法不為財利為令邪見衆生等住於正法如是法施自利利人無上最勝乃至涅槃其福不盡是則名曰上品法施也又迦葉經爾時世尊而說偈頌曰

三千大世界 珍寶滿其中 以此周布施

所得功德少 若說一偈法 功德為甚多

三界諸樂具 盡持施一人 不如一偈施

功德為最勝 此功德勝彼 能離諸苦惱

若恒沙世界 珍寶滿其中 以施諸如來

不如一法施 施寶福雖多 不及一法施

一偈福尚勝 况多難思議

又十住毗婆沙論云在家之人當行財施出家之人當

行法施何以故在家法施不及出家人以聽法者於在

欽定四庫全書

法苑珠林
卷三十三

四

家人信心淺薄故又在家之人多有財物出家之人於
諸經法讀誦通達為人解說在眾無畏非在家者之所
能及又使聽者起恭敬心不及出家又欲說法降伏人
心不及出家如偈說曰

先自修行法 然後教餘人 乃可作是言

汝隨我所行 身自行不善 安能令彼善

自不得寂滅 何能令人寂

又出家之人若行財施則妨餘善遠離阿練若處必至

聚落與白衣從事多有言說發起三毒於六度等心薄

乃至貪著五欲捨戒還俗故名為死或能反戒易起重

罪是名死等諸煩惱苦患以是因緣故於出家者稱歎

法施於在家者稱歎財施又金光明經云說法者有五

種事一者法施彼我兼利財施不爾二者法施能令眾

生出於三界財施者不出欲界三者法施利益法身財

施之者長養色身四者法施增長無窮財施必有竭盡

五者法施能斷無明財施只伏貪心故知財施不及法

欽定四庫全書

法苑珠林
卷三十三

五

也就法施中自有階漸若有所解不用他知恐他勝已
秘而不說則自未來常不聞法又智度論云若恡惜法
則常生邊地無佛法處由恡法故障他慧明此則不如
賣法他人反勝過此又成實論云若人但能為他說法
是名利他是人雖不自隨法行為他說故自亦得利於
此施門畧有三品下法施者說布施法不說智慧中法
施者說於持戒上法施者說於智慧以說智慧教人觀
理得斷惑智二障出離生死遠成菩提涅槃樂果乃至

但能唯說小乘教化一人令觀生空信解依行雖未得道亦勝教化一閻浮中所有衆生令行十善以信解人解修聖道則有出因要得涅槃又諸法勇王經云閻浮提中所有水陸空行衆生盡得人身若有一人教是諸人令其安住五戒十善所得功德不如有人教誨一人令得信行又十住毗婆沙論云有四法能退失智慧菩薩所應遠離何等為四一不敬法及說法者二於要法祕匿懷惜三樂法者為作障礙壞其聽心四懷憍慢自

欽定四庫全書

法苑珠林
卷三十三

六

高卑人復有四法得其智慧應常修習何等為四一恭敬法及說法者二如所聞法及所讀誦為他人說其心清淨不求利養三如從多聞得智慧故勤求不息如救頭然四如所聞法受持不忘貴如說行不貴言說

報恩部

如善恭敬經云佛告阿難若有從他聞一四句偈或抄或寫書之竹帛所有名字於若干劫取彼和尚阿闍黎等荷擔肩上或時背負或以頂戴常負行者復將一切

音樂之具供養是師作如是事尚自不能具報師恩若當來世於師和尚所起不敬心恒說於過我說愚癡極受多苦於當來世必墮惡道是故阿難我教汝等常行恭敬尊重之心當得如是勝上之法所謂愛重三寶甚深之法又梵網經云若佛子見大乘法師同見同行來入僧坊舍宅城邑若百里千里來者即迎來送去禮拜供養日日三時供養日食三兩金百味飲食牀座供養法師一切所須盡給與之常請法師三時說法日日三

欽定四庫全書

法苑珠林
卷三十三

七

時禮拜不生瞋心患惱之心為法滅身請法若不爾者犯輕垢罪又優婆塞戒經云若優婆塞受持六重戒已四十里中有講法處不能往聽得失意罪又大方等陀羅尼經云佛告阿難若有父母妻子不放此人至於道場者此人應向父母等前燒種種香長跪合掌應作是言我今欲至道場哀愍聽許亦應種種諫曉隨宜說法亦應三請若不聽者此人應於舍宅默自思惟誦持經典又正法念經云若人供養說法法師當知是人即為

供養現在世尊其人如是隨所供養所願成就乃至得阿耨菩提以能供養說法法師故何以故以聞法故心得調伏以調伏故能斷無知流轉之闇若離聞法無有一法能調伏心又勝思惟經云不起罪業不起福業不起無動業者是名供養佛又華手經云若以華香衣食湯藥等供養諸佛不名為真供養如來坐道場所微妙法隨能修學者是名真供養故說偈云

若以華塗香 衣食及湯藥 以此諸供養

欽定四庫全書

法苑珠林
卷三十三

不名為真供 如來坐道場 所得微妙法

若人能修學 是真供養佛

又十住婆沙論云佛告阿難天雨香華不名供養恭敬如來若比丘比丘尼優婆塞優婆夷一心不放逸親近修集聖法是真供養佛又寶雲經云不以財施供養於佛何以故如來法身不得財施唯以法施供養於佛為具佛道以法供養為最第一又善恭敬經云佛言若有比丘雖復有夏不能閑解如是法句彼亦應當從他

依止所以者何自尚不解况欲與他作依止師假令看

舊百夏比丘而不能解沙門秘密之事不解法律等亦應說依止若有比丘從他受法於彼師邊應起尊貴敬重之心欲受法時當在師前不得輕笑不得露齒不得交足不得視足不得動足不得蹕脚師不發問不得輒言凡有所使勿得違命勿視師面離師三肘令坐即坐勿得違教於彼師所應起慈心若有可疑先應諮白若見師許然後請決當知一日三時應參進止若三時間

欽定四庫全書

法苑珠林
卷三十三

不參進止是師應當如法治之若參師不見應持土塊或木或艸以為記驗若當見師在房室內是時學者應起至心遶房三匝向師頂禮爾乃方還若不見師眾務皆止不得為也除大小便又復弟子於其師所不得麤言師所呵責不應反報師坐卧牀應先敷拭令無塵汙蟲蟻之屬若師坐卧乃至師起應修誦業時彼學者至日東方便到師所善知時已數往師邊諮問所須我作何事又復弟子在於師前不得涕唾若行寺內恭敬師

故勿以袈裟覆於肩膊不得籠頭天時若熱日別三時以扇扇師三度授水授令洗浴又復三時應獻冷飲師所營事應盡身而營助之佛告阿難若將來世有諸比丘或於師所不起恭敬說於師僧長短之者彼人則非是須陀洹亦非凡夫彼愚癡人應如是治師實有過尚不得說况當無也若有比丘於其師邊不恭敬者我說別有一小地獄名為推撲當墮是中墮彼處已一身四頭身體俱然狀如火聚出大猛焰熾然不息然已復然欽定四庫全書

法苑珠林
卷三十三

十

利益部

如正法念經云說法有十功德多所利益何等為十一

時處具足二分別易解三與法相應四非為利養五為調伏心六隨順說法七說施有報八說生死法多諸障礙九說天退歿十說有業果若說法人有此十法令聞法者得多功德利益安樂乃至涅槃若聞法功德成就深心信根清淨一向淨心信於三寶諦聽法處為聞正法隨舉一足皆生梵福又大菩薩藏經云於諸菩薩起深愛樂猶如大師於正法所起愛樂心如自己身於如來所起愛樂心如自己命於尊重師起愛樂心猶如父母於諸眾生起愛樂心視如一子於阿遮利耶受教師所起愛樂心敬如眼目於諸正行起愛樂心猶如耳目身首於波羅蜜起愛敬心猶如手足於說法師起愛樂心如眾重寶所求正法起愛樂心猶如良藥於能舉罪及憶念者起愛樂心猶如良醫又僧伽吒經云爾時一切勇菩薩白佛言世尊若有眾生聞此法者壽命幾劫佛言壽命滿八十劫一切勇白佛言劫以何量佛言譬大城縱廣十二由旬高三由旬盛滿胡麻有長壽人過

欽定四庫全書

法苑珠林
卷三十三

十一

百歲已取一而去如是城中胡麻悉盡劫猶不盡又如
大山縱廣二十五由旬高十二由旬有長壽人過一百
歲以輕綯帛一往拂之如是山盡劫猶不盡是名劫量
時一切勇菩薩白佛言世尊一發誓願尚得如是福德
之聚壽命八十劫何況於佛法中廣修諸行又涅槃經
云若離四法得涅槃者無有是處何等為四一親近善
友二專心聽法三繫念思惟四如法修行以是義故聽
法因緣則得近於大般涅槃何以故開法眼故世有三

欽定四庫全書

法苑珠林
卷三十三

十三

人一者無目

譬凡夫人

二者一目

譬聲聞人

三者二目

譬諸菩薩

言無

目者常不聞法一目之人雖暫聞法其心不住二目之
人專心聽受如聞而行以聽法故得知世間如是三人
又法句喻經云昔佛在舍衛國給孤精舍為諸天人民
說法時波斯匿王有一寡女名曰金剛父母哀愍別為
作好舍宅給五百妓女以娛樂之眾共有一長老青衣
名曰度勝恒行市買脂粉香華時見男女無數大眾各
齎香華出城詣佛即問行人欲何所至眾人答言佛出

於世三界之尊度脫眾生皆得泥洹度勝聞之心悅意
喜即自念言今老見佛宿世之福便分香直持買好華
隨眾人輩往到佛所作禮却立散華燒香一心聽法已
過市取香因聽法功宿行所追香氣熏聞斤兩倍前嫻
其遲晚而共詰之度勝奉道即如事言世有聖師三界
之尊擊無上法鼓震動三千往聽法者無央數人實隨
聽法是以稽遲金剛之徒聞說世尊法義殊妙非世所
聞悚然心歡而自歎曰吾等何罪獨隔不聞即報度勝

欽定四庫全書

法苑珠林
卷三十三

十三

試為我說之度勝白曰身賤口穢不敢便宣說法之儀
先施高座度勝受勅具宣聖旨五百侍女皆大歡喜各
脫衣服一領積為高座度勝洗浴承佛威神如應說法
金剛之等五百侍女疑結破惡得須陀洹道說法甚美
不覺失火一時燒死即生天上王將人從來欲救火見
之已然收拾棺斂葬送畢已往過佛所為佛作禮叉手
言曰金剛不幸不覺失火大小燒盡適棺斂訖不審何
罪過此火害唯願世尊彰告未聞佛告大王過去世時

有城名波羅奈有長者婦將姪女五百人至城外大祠
祀其法難急他性之人不得到邊無問親疎其有來者
擲著火中時世有辟支佛名曰迦羅處在山中晨來分
衛暮輒還山迦羅分衛來趣郊祠長者婦見之忿然瞋
恚共捉迦羅撲著火中舉身焦爛更現神足飛昇虛空
衆女驚怖泣淚悔過長跪舉頭而自陳曰女人愚憊不
識至真羣迷長慢毀辱神靈自惟過疊罪惡如山願降
尊德以消重殃尋聲即下而般泥洹諸女起塔供養舍

欽定四庫全書

法苑珠林
卷三十三

十四

利佛為大王而說偈言

愚憊作惡

不能自解

殃追自焚

罪成熾然

愚不望處

不謂適苦

臨墮厄地

乃知不善

佛告大王爾時長者婦者今王女金剛是五百侍女者
今度勝等五百妓女是罪福追人久無不彰善惡隨人
如影隨形說是法時諸來大小即得道迹又阿育王經
云昔阿恕伽王使道人說法時以步障遮諸婦女使其

聽法爾時法師為諸婦女說法恒說施論戒論生天之
論有一婦女分犯王法發幕向法師前問法師言如來
大覺於菩提樹下覺諸法時覺悟施戒耶更悟餘法耶
法師答言佛覺一切有漏法皆苦猶若融鐵此苦因從
集而生猶如毒樹修八正道以滅苦集是女人得聞此
語獲得須陀洹道以刀繫頸往到王所白王言我今日
犯王重法願王以法治我王問言汝犯何事答言我破
王禁制至道人所譬如渴牛不避於死我實渴於佛法

欽定四庫全書

法苑珠林
卷三十三

十五

是以默突聽法王問言汝聽法時頗有所得不答言得
法見四真諦解陰入界及以諸大皆知無我遂得法眼
王聞是語踴躍歡喜即為作禮便偈令言自今已後不
聽作障隔樂聽法者聽直至法師所對面聽法數言奇
哉我宮內乃出人寶以是因緣當知聽法有大利益又
禰寶藏經云爾時般遮羅國以五百白鴈獻波斯匿王
王令送著祇桓精舍衆僧食時人人乞食鴈見僧聚來
在前立佛以一音說法衆生各得類解當時羣鴈亦解

僧語聞法歡喜鳴聲相和還於池水後毛羽轉長飛至
餘處獵師以網都覆殺之一鴈作聲諸鴈皆和謂聽法
時聲乘是善心生忉利天生天之法法有三念一念本
所從來二念定生何處三念先作何業得來生天便自
思惟自見宿因更無餘善唯佛僧邊聽法作是念已五
百天子即時來下在如來邊佛為說法悉得須陀洹波
斯匿王遇到佛所常見五百鴈羅列佛前是日不見便
問佛言此中諸鴈向何處去佛言欲見諸鴈者先鴈飛

欽定四庫全書

法苑珠林
卷三十三

十六

去他處為獵師所殺命終生天今此五百諸天子等著
好天冠端正殊持者是今日聽法皆得須陀洹王問佛
言此羣鴈以何業緣墮於畜生命終生天今日得道佛
言昔迦葉佛時五百女人盡共受戒用心不堅毀所受
戒犯戒因緣墮畜生中作此鴈身以受戒故得值如來
聞法獲道以鴈身中聽法因緣生於天上又舊禰譬喻
經云昔有沙門晝夜誦經有狗伏牀下一心聽經不復
念食如是積年命盡得人形生舍衛國中作女人長大

見沙門分衛便走自持飯與沙門歡喜後作比丘尼應
得真道頌曰

王猷外釐 神道內綏 皇覺正法

斯極宗師 敬承元教 崇德振輝

師弟說受 芳業秀滋 四諦感悟

三達熙怡 啓境金牒 開訓神機

空有齊較 元門洞微 遣于無遣

至道非彌

欽定四庫全書

法苑珠林
卷三十三

十七

感應緣畧引九驗

宋沙門竺道生

宋居士費崇先

魏沙門天竺勒那

齊沙門釋僧範

隋沙門釋曇延

隋沙門釋慧遠

隋沙門釋法彥

唐沙門釋道宗

唐沙門釋道慈

宋長安龍光寺有三道生本姓魏鉅鹿人也少小出家聰銳神異年在志學便登法座吐納宮商道俗高伏年至具戒器鑒日深性度機警神氣清穆初入廬山幽棲七年以求其志常以入道之要慧解為本故鑽仰羣經斟酌禪論萬里隨法不憚疲苦後與慧嚴慧嚴同遊長安從什公受業闕中僧衆咸謂神悟後還都止青園寺

欽定四庫全書

法苑珠林
卷三十三

十六

宋太祖文皇帝深加歎重後太祖設會帝親同衆御于地筵下食良久衆咸疑日晚帝曰始可中耳生曰白日麗天天言始中何得非中遂取鉢食於是一衆從之莫不歎其樞機得衷後校閱眞俗研思因果乃立善惡不受報頓悟成佛又著二諦論佛性當有論法身無色論佛無淨土論應有緣論等籠罩舊說妙有淵旨而守久之徒多生嫌嫉與奪之聲紛然競起又六卷泥洹先至京都生剖析經理洞入幽微乃說阿闍提人皆得成佛

於時大本未傳孤明先發獨見忤衆於是舊學以為邪

說譏憤滋甚遂顯大衆擯而遣之生於大衆中正容誓

曰若我所說反於經義者請現於身即表厲疾若與實

相不相違背者願捨壽之時據師子座言竟拂衣而逝

初投吳之虎邱山旬日之中學徒數百其年夏雷震青

園佛殿龍昇於天光影西壁因改寺名曰龍光時人數

曰龍既已去生必行矣俄而投迹廬山銷影巖岫山中

僧衆咸共敬服後涅槃大本至於南京果稱闡提悉有

欽定四庫全書

法苑珠林
卷三十三

十九

佛性與前所說合若符契生既獲斯經尋即講說以宋元嘉十一年冬十一月庚子於廬山精舍昇於法座神色開明德音俊發論義數番窮理盡妙觀聽之衆莫不悟說法席將畢忽見塵尾紛然而墜端坐正容隱几而卒顏色不異似若入定道俗嗟駭遠近悲涕於是京邑諸僧內慚自嫉追而信服其神鑒之至徵瑞如此仍葬廬山之阜初生與叡公及嚴觀同學齊名故時人評曰生叡發天真嚴觀窪流得慧義彭亨進寇淵千默塞生

及厥公獨標天真之目故以秀出羣士矣初關中僧肇始注維摩世咸玩味生乃更發深旨顯暢新異及諸經義疏世皆寶焉王微以生比郭林宗乃為之立傳旌其遺德時人以生推聞提得佛此語有據頓悟不受報等時亦憲章宋太祖嘗述生頓悟義有沙門僧弼等皆設巨難帝曰若使逝者可興豈為諸君所屈龍光寺又有沙門寶林初經長安受學後祖述生公諸義時人號曰逝元生著涅槃記及注異宗論檄魔文等林弟子法寶

欽定四庫全書

法苑珠林
卷三十三

三

亦學兼內外著金剛後心論等亦祖述生義焉近代又有釋慧生者亦止龍光寺蔬食善衆經兼工艸隸時人以同寺相繼號曰大小二生

右此一驗出梁高僧傳

宋費崇先者吳興人也少頗信法至三十際精勤彌至泰始三年受菩薩戒寄齋於謝惠遠家二十四日晝夜不懈每聽經常以鵲尾香爐置膝前初齋三夕見一人容服不凡逕來舉爐將去崇先視膝前爐猶在其處更詳視此人見提去甚分明崇先方悟是神異自惟衣裳

新濯了無不淨唯坐側有唾壺既使去壺即復見此人還鑪坐前未至席頃猶見兩鑪既即合為一然則此神人所提者蓋鑪影乎崇先又當聞人說福遠寺有僧欽尼精勤得道欣然願見未及得往屬意甚至嘗齋於他家夜三更中忽見一尼容儀端嚴著赭布袈裟正立齋席之前食頃而滅及崇先後覲此尼色貌被服即窻前所覲者也

右此一驗出冥祥記

元魏時有中天竺沙門勒那魏云實意是西國人不知

欽定四庫全書

法苑珠林
卷三十三

三

氏族徧通三藏妙入總持以魏永平之初來遊東夏宣武皇帝每請講華嚴經披閱精義無廢一日正處高座忽有一人持笏執名者形如大官云奉天帝命來請法師講華嚴經意曰今此法席尚未停止待訖經文當來從命雖然法事所資獨不能建都講香火維那梵唄咸皆須之可請令定使者如所請見講諸僧既而法事將了又見前使云奉天帝命故來下迎意乃含笑熙怡告衆辭訣奄然卒於法座都講等四人亦同時殞魏境道

俗聞見斯異無不嗟嘆

齊鄴東大覺寺沙門僧範姓李平鄉人也善解羣書時稱府庫晚年出家經論諳委言行相輔祥徵屢降嘗有膠州刺史杜弼於鄴顯義寺請範冬講至華嚴六地忽有一鴈飛下從浮圖東順行入堂正對高座伏地聽法講散徐出還順塔西爾乃翔逝又於此寺夏講雀來在座西南伏聽終於九旬又曾處濟州亦有一鵝鳥飛來入聽講訖便去又有一僧懷忿加毀罵云伽叔汝何所

欽定四庫全書

法苑珠林
卷三十三

三十一

知當夜有神打而幾死自非道洽冥符何能感應如是
以天保六年三月二日卒於大覺寺年八十矣

隋京師延興寺釋曇延姓王蒲州業泉人也世家豪族官歷齊周而性協書籍鄉邦稱叙探悟元旨洞曉無差欲著涅槃大疏恐滯凡情每祈誠寤寐願得嘉徵乃於夜夢有人被白服來於白馬駿尾拂地而導授經旨延手執馬駿與之請論寤後惟曰此必馬鳴菩薩授我義端執駿知其宗旨抵事可觀耳雖感此瑞猶恐不合理

更持經疏於陳州治仁壽寺舍利塔前燒香誓曰延以凡度仰測聖心銓釋已了具如別卷若幽致微達願示明靈如無所感誓不傳授言訖涅槃卷軸並放光明道夜呈祥道俗稱慶塔中舍利又放光明三日三夜輝光不絕上屬天漢下照山河合境望光皆來謁拜既感微祥衆伏傳受君臣重望罕有斯人以隋開皇八年八月十三日終於延興寺春秋七十有三

欽定四庫全書

法苑珠林
卷三十三

三十二

隋京師淨影寺釋慧遠姓李燉煌人後居上黨之高都焉三藏備通九流洞曉天縱疎朗儀止冲和講導為業天下同歸昔在清化先養一鵝聽講為務開皇七年勅召入京鵝在本寺栖宿廊廡晝夜鳴呼衆共愍之附使達京至淨影寺大門放之鳴叫騰躍徑入遠房依前馴聽不避寒暑但聞法集鐘聲不問旦夕皆入講堂靜聲伏聽僧徒梵散出堂翔鳴若值白黑布薩鳴鐘終不入聽時共異之若遠常途講解依法潛聽中間及餘語便鳴翔而出信知道藉人宏靈鳥嘉應不可非其身未證

法輒昇法座定墮地獄此亦別時之意不得雷同總撥
也以開皇年中卒於淨影寺

隋西京真寂道場釋法彥姓張寓居涪州志隆大法而
聰明振響冠遠齊倫雖三藏並通偏以大論馳美遊涉
法會莫敢抗言開皇十六年下勅以彥為大論眾主住
真寂寺鎮長引化仁壽造塔復召送舍利于汝州四年
又勅送舍利沂州善應寺掘基深丈餘乃得金沙清汰
成純凡有二升光耀奪目又感黃牛自至塔前屈膝前

欽定四庫全書

法苑珠林
卷三十三

二十四

足兩拜而止迴身又禮文帝比景像一拜及入石函於
時三萬許人並見天雲五色長十餘丈濶三四丈四遠
白雲狀如羅綺正當基上空自午至未方乃歇滅滅
後降五色雲從四方來狀同前瑞又感元鶴五頭從西
北來迴旋塔上乃經四度去復還來復感白鶴於上徘徊
久之乃逝又感五色蛇盤屈函外可三尺頭向舍利
驚終不怖如此數度刺史鄭善果以表奏聞曰臣聞敬
天育物則乾象著其能順地養民則坤元表其德是以

陶唐砥躬弗懈伏氣呈祥夏后水土成功元珪告錫方
知天時人事影響若神伏惟陛下東圖揖讓受命君臨
區宇無塵聲教盡一含宏光大慈愍無邊天佛垂鑒降
茲祥瑞塔基六處並得異沙炫曜相暉俱同金寶牛為
禮拜太古未經雲騰五色於今方見又感地形襍采盤
旋塔基鶴颺元素徘徊空際雖軒皇景瑞空傳舊章漢
帝慶徵徒書簡冊自非德降三寶道冠百王豈能感斯
美慶致招靈異帝乃大悅著於別記以大業三年卒於
所住春秋六十矣

欽定四庫全書

法苑珠林
卷三十三

二十五

唐西京勝光寺釋道宗俗姓孫氏萊州即墨人也三藏
通明大論尤精每講大論天雨衆華遠旋講堂飛流戶
內既不委地久之還去合衆驚嗟希覩斯瑞武德六年
卒於所住春秋六十有一

唐蒲州仁壽寺釋道慈俗姓張氏河東虞鄉人也神器
高邈器度虛簡善通機會鑒達治方雖通羣典偏以涅槃
攝論為栖神之宅也至貞觀二年冬月有請講涅槃